



#multilingual

Da n lingaz al ater zënza fadia!

CONCURS D'IDEES

Posté, chaté, chillen, trinché; t'aste intenü che t'adores vigni de tröc lingac? Salté da n lingaz al ater é da rí, al fej sintí les porsones plü dlungia y nes pita oportunités nöies. Y an ne mëss nia savëi da baié avisa i atri lingac, datrai bastel ince ma öna na parora o na frasa por ch'al se deures n monn nü.

Arateste ince tö? Spo baia sö val' compagn o val' compagna o zacai che te conësces y tol pert a chësc concurs d'idees: i chiriun propostas originales, particulares y che fej gní vëia da BAIÉ DEPLÜ LINGAC.

Les trëi Repartiziuns provinziäles dla Cultura y le monn dl'economia locala mët a jí n'aziun por fá conëscce deplü y ti dé plü pëis a nosc plurilinguism. Láschenes alsavëi tües idees!

Co fajeseste pa tö da ti fá capí a tües compagnes y tü compagns tan important y cool ch'al é da baié y capí deplü lingac? Lascia jí tua fantasia: te pos fá n videoclip, tó Tik Tok o fotografies, organisé n poetry slam, inventé n videojüch o na ciantia.

**MËNA NA DESCRIZIUN DL'IDEA Y N SBÖZ DL PROIET
CINA AI 23 DE AGOST DL 2020 ala misciun dessot.**

Te pos tó pert al concurs debann. Dötes les propostas dades jö gnará valutades da na iuria de esperc aladô de chisc criteris:

1. creativité/originalité dl'idea dl proiet tignin cun dl message y dl meso de comunicaziun chirí fora
2. maniera da se dé jö cun la tematica
3. trasferibilité y economizité dl produt final
4. grup metü adöm da porsones de deplü lingac

- 1. Pest 500 € a porsona**
+ sostegn da pert de profescioniſc por realisé l'idea
- 2. Pest 300 € a porsona**
- 3. Pest 200 € a porsona**

PESĆ

CONDIZIUNS POR TÓ PERT:

- ester n grup de altamo 4 cina a aplü 6 jogn/jones dai 6 ai 22 agn;
- avëi la residënza te Südtirol;
- scrí fora vigni pert dl formular y ti mené la descriziun y le sböz dl proiet ala misciun dessot anter le termo dé dant. Sce un de os n'á nia ciamó complí 18 agn, mëss l'iscriziun gní sotescrita da n genitur o da n autorisé al'educaziun.
- Sce i tolëis pert al concurs zedëise le material mené ai organisadus y i ne damanëis nia tl dagní. I organisadus podará l'adoré por fá reclam tl respet dl dërt d'autur.
- Sce tö y tü compagn/tües compagnes davagnëis, detlarëise da ester a öna da realisé osta idea cun le sostegn de profescioniſc y ch'an pó la tó por fá reclam sön döt le teritore provincial. Le pest de scioldi gnará surandé sce i tolëis pert a altamo le 75% dles incuntades de formaziun y sostegn profesional preodüdes.
- La iuria dará jö n arat d'isté dl 2020 y i resultac gnará lasciá alsavëi por la fin de setëmber dl medemo ann.
- Canch'i menëis ite le material, detlarëise da ester i auturs dl'idea y che chësta n'é nia gnüda copiada.
- I pesć de scioldi gnará metüs sön le cunt corënt de vigni porsona dl grup.

TERMIN POR DÉ JÖ: AI 23 DE AGOST DL 2020

I podëis dé jö tres PEC **weiterbildung@pec.prov.bz.it**, a man o por posta: **Amt für Weiterbildung, A.-Hofer-Str. 18, BZ**. Sce te mënes döt por posta velel le timber dla posta.

INFORMAZIUNS

Les informaziuns y i formulars por tó pert al concurs de ideas é da ciafé sot a **www.provinz.bz.it/sprachen** – **www.provincia.bz.it/lingue**, **amt.weiterbildung@provinz.bz.it** o te chërdes sö le numer de telefon **0471 413 391**.

DOCUMËNC DA INJUNTÉ

- Descriziun dl proiet/dl'idea (aladô dl model preodü)
- Sböz dl proiet/dl'idea (png, jpg, mp4, avi, mp3, wav)
- Detlaraziun sotescrita sön la sconanza di dac personai de dotes les porsones che fej pert dl grup
- Les porsones che é da odëi sön les fotografies o ti video mëss dé jö na detlaraziun d'autorisaziun sotescrita
- Copia dl documënt d'identité dla porsona de referimënt dl grup